

## Fundur stjórnar HRFÍ 7. Júní 2021

Haldinn í húsnæði félagsins að Síðumúla 15

Mættir : Daníel Örn Hinriksson formaður, Auður Sif Sigurgeirsdóttir, Guðbjörg Guðmundsdóttir, Helga Kolbeinsdóttir og Marianna Gunnarsdóttir meðstjórnendur og Anna Guðjónsdóttir og Anna María Ingvarsdóttir varamenn. Fundinn sat Guðný Isaksen framkvæmdastjóri og fundargerð ritaði Guðbjörg Guðmundsdóttir.

1. Farið yfir þau mál sem fyrir stjórn liggja í upphafi stjórnarárs
  - a. Undirskrift kaupsamnings húsnæðis félagsins, umræða um afhendingartíma eignarinnar. Skv eðlilegum afhendingarrétti mætti gera ráð fyrir að afhenda fyrstu vikuna í september en þar sem stór sýning verður í lok ágúst mun framkvæmdastjóri athuga hvort byrjun október væri ásættanlegt.
  - b. Rætt um framtíðarhúsnæði, eins og kom fram á aðalfundi félagsins væri draumur að geta uppfyllt öll þau atriði þarfagreiningarinnar sem var gerð, en raunveruleikinn verður sennilega að við þurfum að sníða okkur aðeins stakk eftir vexti í byrjun. Rætt um að skipa nefnd til að taka húsnæðismálin áfram.
  - c. Búið er að senda póst á fastanefndir þar sem aðilar tóku almennt vel í að halda áfram nefndarsetu, auglýst verður eftir framboðum í þau sæti sem laus eru.
  - d. Komið hefur í ljós að einn aðili nýkjörinnar siðanefndar sér sér ekki fært um að starfa í nefndinni að svo stöddu, því verður nefndin sennilega að kalla inn varamann í stað hennar.
  - e. Tvö mál eru á borði stjórnar þar sem þarf að afturkalla ættbækur gota vegna rangfærðra ættbóka gota.
    - i. Í öðru tilfellinu er þetta einungis eitt got þar sem liggur fyrir útskýring ræktanda.
    - ii. Í hinu tilfellinu var beðið um DNA greiningar á þremur gotum og bárust Matís níu sýni. Í ljós kom að í einu gotinu er klárt að ættbókarskráning er röng, og verður það got svipt ættbókum. Í hinum tveimur gotunum er ekki hægt að staðfesta ætterni, og sér stjórn ekki annan kost í stöðunni en að ógilda ættbækur þeirra líka. Stjórn þykir leitt að þurfa að beita þessum viðurlögum, en þar sem ættbækur hunda sem ræktaðir eru innan HRFÍ eru eign félagsins, og vafi gæti leikið á ætterni sér hún ekki annan kost í stöðunni. Verði ætterni hundanna staðfest með fullnægjandi hætti getur stjórn ákveðið að færa þá aftur í ættbók félagsins. Afkvæmi þessarra hunda munu fá viðauka-ættbók sem þýðir að ekki er hægt að nota í þau ræktun eða skrá á sýningar nema með sérstakri undanþágu stjórnar HRFÍ þar til staðfesting fæst á ætterni foreldra þeirra.

Fleira var ekki gert, næsti fundur er áætlaður 21. júní og verður það í raun fyrsti formlegi fundur nýrrar stjórnar félagsins.